

Dana 29.04.2021. Uredni portala snews Medin Halilović obratio nam se sa zahtjevom za objavu odgovora u skladu sa članovima 83, 84, 86 i 87 Zakona o javnom informisanju i medijima.

Međutim, to nije bio nikakav odgovor na naše navode, niti dematnovanje bilo kog navoda, već stavovi i mišljenja dotičnog, pozdravljanje naših odluka, poziv policiji da radi na slučaju o kojem je bilo riječ i dr. Dakle ni jednom rečenicom nije niti odgovorio niti demantovao na bilo koji naš navod.

01.05.2021. odgovorili smo na mail Halilovića:

„Primili smo Vaš zahtjev za objavu odgovora.

Međutim, konstatujemo da odgovor nije u skladu sa članovima zakona na koje se pozivate.

Član 83. Stav 1 glasi: Lice na koje se odnosi informacija, koja može da povredi njegovo pravo ili interes, može od odgovornog urednika zahtevati da, bez naknade, objavi odgovor u kome ono tvrdi da je informacija neistinita, nepotpuna ili netačno prenet.

U Vašem odgovoru nije jasno na koji dio saopćenja odgovarate, tj. koji dio saopćenja je po Vama “neistinit, nepotpun ili netačan”.

Pozivamo Vas da uredite Vaš odgovor i ponovno nam ga pošaljete na objavljivanje.“

Istoga dana Halilović nam dostavlja skoro isti „zahtjev za odgovor“ sa dodatkom jednog pasusa koji se može tumačiti kao odgovor na naše saopćenje.

Poučeni ranijim primjerima kada nas je isti tužio Savjetu za štampu, gdje smo optuženi od strane Vas između ostalog da smo objavili samo dijelove odgovora za koje smatramo da su u skladu sa Zakonom o javnom informisanju i medijima, ovaj put se nismo željeli upuštati u to – da mi objavljujemo djelimično njegov odgovor, već smo i nakon drugog navodno dopunjenog odgovora Haliloviću putem maila odgovorili sledeće:

„Primili smo Vaš dopunjen zahtjev za odgovor. Međutim, opet, isti se samo trećim (dopunjenim) pasusom može smatrati odgovorom na dio našeg saopćenja. Ostala četiri pasusa nisu nikakav odgovor na “neistinitu, netačnu ili nepotpunu informaciju”, već vaši stavovi, mišljenja i dr. što nismo dužni objaviti.

Pozivamo Vas još jednom da Vaš odgovor uredite i napišete u skladu sa zakonom.

Svakako da ćemo ga objaviti, to je nesporno.“

Nakon ovog maila Halilović nam se više nije javljao.

Apsolutno odbacujemo optužbe da smo odbili objaviti odgovor. Baš nasuprot, sa ova dva maila čije Vam foto-prikaze šaljemo u prilogu kao dokaze, potvrđujemo baš suprotno, da uprkos Halilovićevoj hajki koju protiv nas putem svojih zvaničnih i nezvaničnih kanala vodi protiv naših novinara i našeg medija, spremni smo bili objaviti njegov odgovor, da ga je napisao onako kako to zakon nalaže.